



ქალაქ ფოთის მუნიციპალიტეტის საკრებულო



განკარგულება № 1/3

2020 წლის 20 იანვარი

ქალაქი ფოთი

ქალაქ ფოთის მუნიციპალიტეტის საკრებულოში წარდგენილი 2019 წლის 22 დეკემბრის პეტიციის (მომხსენებელი: ცოტნე ხარებავა, მცხოვრები: ქალაქ ფოთის მუნიციპალიტეტი, სამეგრელოს ქუჩა №32/24) შესახებ

ქალაქ ფოთის მუნიციპალიტეტის საკრებულოს 2019 წლის 22 დეკემბერს წარედგინა პეტიცია.

„ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის №21/56 დადგენილებით დამტკიცებული რეგლამენტის 119³-ე მუხლის მე-12, მე-13, მე-14 პუნქტების შესაბამისად, პეტიციის ტექსტის მოქმედ კანონდებლობასთან და ხელმოწერების დადგენილ მინიმალურ რაოდენობასთან შესაბამისობაზე პასუხისმგებელია მომხსენებელი. პეტიციის ელექტრონულ ფოსტაზე მიღებიდან 3 სამუშაო დღის ვადაში საკრებულოს აპარატი იწყებს საკრებულოს რეგლამენტით დადგენილი წესით პეტიციის რეგისტრაციას.

პეტიცია და პეტიციაზე ხელმოწერათა რაოდენობა შეესაბამება საქართველოს კანონმდებლობით დადგენილ მოთხოვნებს. ამდენად, პეტიცია დარეგისტრირდა საკრებულოს აპარატში.

2019 წლის 22 დეკემბრის ელექტრონული პეტიციით მოქალაქეები ითხოვენ: 1. ქალაქ ფოთის მუნიციპალიტეტში მიუსაფარი ძალლების პრობლემების აღმოფხვრასთან დაკავშირებით მუნიციპალიტეტის საბიუჯეტო დაფინანსების გაზრდას, 2. მოსახლეობას დაუფინანსდეს ძალლების კასტრაცია-სტრილიზაციის ხარჯები. საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი პუნქტის „გ.ა.“ ქვეპუნქტის შესაბამისად, მხოლოდ ქალაქ ფოთის მუნიციპალიტეტის მერის კომპეტენციას წარმოადგენს მუნიციპალიტეტის ბიუჯეტისა და ბიუჯეტში შესატანი ცვლილების პროექტის საკრებულოსთვის წარდგენა. ამდენად, ზემოხსენებული საბიუჯეტო ცვლილების საკითხი უნდა განეხილა მერს. საქართველოს ზოგადი ადმინისტრაციული კოდექსის 96-ე მუხლის პირველი და მე-2 ნაწილის შესაბამისად, ადმინისტრაციული ორგანო ვალდებულია ადმინისტრაციული წარმოებისას გამოიკვლიოს საქმისათვის მნიშვნელობის მქონე ყველა გარემოება და გადაწყვეტილება მიიღოს ამ გარემოებათა შეფასებისა და ურთიერთშეჯავრების საფუძველზე. დაუშვებელია, ინდივიდუალური ადმინისტრაციულ-სამართლებრივი აქტის გამოცემას საფუძვლად დაედოს ისეთი გარემოება ან ფაქტი, რომელიც კანონით დადგენილი წესით არ არის გამოკვლეული ადმინისტრაციული ორგანოს მიერ. ამდენად, ქალაქ ფოთის მუნიციპალიტეტის მერს ეთხოვა წარმოედგინა ინფორმაცია ზემოხსენებულ საკითხთან დაკავშირებით. ქალაქ ფოთის მუნიციპალიტეტის მერის

2020 წლის 30 დეკემბრის №02/5327 წერილიდან ირკვევა, რომ ქალაქ ფოთის მუნიციპალიტეტის 2020 წლის ბიუჯეტში გაზრდილია მიუსაფარი ძაღლების პრობლემის აღმოფხვრასთან დაკავშირებული ხარჯები, ხოლო სატენდერო პირობებში გათვალისწინებულ იქნება მიუსაფარი ძაღლების კასტრაცია-სტერილიზაციის მომსახურების შესყიდვა. სივრცით-ტერიტორიული დაგეგმარების და ინფრასტრუქტურის კომისიის დასკვნის შესაბამისად, პეტიცია შეესაბამება საქართველოს კანონმდებლობით დადგენილ მოთხოვნებს და საკრებულო უფლებამოსილია დააკმაყოფილოს პეტიციით წარდგენილი მოთხოვნები.

აღნიშნულიდან გამომდინარე:

მუხლი 1.

1.ქალაქ ფოთის მუნიციპალიტეტის საკრებულოში წარდგენილი 2019 წლის 22 დეკემბრის პეტიცია (მომხსენებელი: ცოტნე ხარებავა, მცხოვრები: ქალაქ ფოთის მუნიციპალიტეტი, სამეგრელოს ქუჩა № 32/24) დაკმაყოფილდეს.

2.ცნობად იქნეს მიღებული ქალაქ ფოთის მუნიციპალიტეტის მერის მიერ წარმოდგენილი ინფორმაცია, იმის შესახებ, რომ ქალაქ ფოთის მუნიციპალიტეტის 2020 წლის ბიუჯეტში გაზრდილია მიუსაფარი ძაღლების პრობლემის აღმოფხვრასთან დაკავშირებული ხარჯები, ხოლო სატენდერო პირობებში გათვალისწინებულ იქნება მიუსაფარი ძაღლების კასტრაცია-სტერილიზაციის მომსახურების შესყიდვა.

3.დაევალოს ქალაქ ფოთის მუნიციპალიტეტის მერს ქმედითი ღონისძიებები გაატაროს ქალაქ ფოთის მუნიციპალიტეტში მიუსაფარი ძაღლების პრობლემის აღმოფხვრასთან დაკავშირებით.

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2020 წლის 20 იანვრიდან.

თავმჯდომარის მოვალეობის შემსრულებელი,
საკრებულოს თავმჯდომარის მოადგილე

აკაკი დარჯანია

